

# SAKSPAPIR

Saksnr	Utval	Type	Dato
009/23	Plan- og kommunalteknisk utval	PS	25.01.2023
007/23	Ungdomsråd	PS	09.01.2023
005/23	Råd for menneske med nedsett funksjonsevne	PS	16.02.2023
005/23	Eldrerådet	PS	16.02.2023
009/23	Formannskapet	PS	15.02.2023
007/23	Heradsstyret	PS	22.02.2023

Saksbehandlar	ArkivsakID
Pelle Engeseter	23/14

## **Oppstart av planarbeid med høyring og offentleg ettersyn av planprogram for Kommunedelplan for kulturminner i Osterøy kommune, 2016-2026, PlanID 12532015007 Ny oppstart**

### **Vedlegg:**

PLANPROGRAM KDP kulturmiljø\_Rev0201

### **Rådmannen sitt framlegg til vedtak:**

**Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentleg høyring og ettersyn, jf. PBL § 11-13**

### **Ungdomsråd - 007/23**

#### **UR - behandling:**

Leiar for Plan gjekk gjennom saka.

#### **UR - vedtak:**

Ungdomsrådet støttar rådmannen sitt framlegg til vedtak. Samrøystes vedteke.

### **Plan- og kommunalteknisk utval - 009/23**

#### **PL - behandling:**

Alf Terje Mortensen, FRP, sette fram slikt felles tilleggsframlegg på vegne av utvalet:

"Det vert valgt ei arbeidsgruppe på inntil 5 personar som skal arbeide med planen.

Medlemmane vert valgte av eksisterande heradstyre og vert sitjande i utvalet fram til arbeidet med denne planen er avslutta."

#### **AVRØYSTING:**

Rådmannen sitt framlegg vert samrøystes vedteke

Utvalet sitt felles tilleggsframlegg vert samrøystes vedteke

**PL - vedtak:**

Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentlig høyring og ettersyn, jf. PBL § 11-13

Det vert valgt ei arbeidsgruppe på inntil 5 personar som skal arbeide med planen. Medlemmane vert valgte av eksisterande heradstyre og vert sitjande i utvalet fram til arbeidet med denne planen er avslutta.

**Formannskapet - 009/23****FS - behandling:****AVRØYSTING:**

Plan- og kommunalteknisk utval sin innstilling vert samrøystes vedteke

**FS - vedtak:**

Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentlig høyring og ettersyn, jf. PBL § 11-13

Det vert valgt ei arbeidsgruppe på inntil 5 personar som skal arbeide med planen. Medlemmane vert valgte av eksisterande heradstyre og vert sitjande i utvalet fram til arbeidet med denne planen er avslutta.

**Eldrerrådet - 005/23****ELD - behandling:**

Rådet følgjer samrøystes innstillinga frå rådmannen.

**ELD - vedtak:**

Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentlig høyring og ettersyn, jf. PBL § 11-13

**Råd for menneske med nedsett funksjonsevne - 005/23****RFF - behandling:**

Rådet følgjer samrøystes innstillinga frå rådmannen.

**RFF - vedtak:**

Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentlig høyring og ettersyn, jf. PBL § 11-13

## Heradsstyret - 007/23

### **HS - behandling:**

Framlegg og avrøysting kjem fram i voteringsprotokollen som ligg ved nedst i den samla møteprotokollen.

### **HS - vedtak:**

**Oppstart av planarbeid av Kommunedelplan for kulturmiljø i Osterøy kommune 2024-2033. Utkast til Planprogram for kommunedelplan for kulturmiljø i Osterøy kommune 2024-2033 vert lagt ut til offentleg høyring og ettersyn, jf. PBL § 11-13**

**Det vert valgt ei arbeidsgruppe på inntil 5 personar som skal arbeide med planen.**

**Medlemmane vert valgte av og blant medlemmane og varamedlemmene i eksisterande heradsstyre og vert sitjande i utvalet fram til arbeidet med denne planen er avslutta.**

### **Saksopplysningar:**

#### **Saksopplysningar:**

Jamfør Plan- og bygningslova (PBL) § 11-13 skal det ved varsel om oppstart av planarbeid utarbeidast planprogram for alle planar med vesentlege verknadar for miljø og samfunn.

Planprogrammet legg føringar for det vidare arbeidet med kommunedelplanen og skildrar planprosess og medverknad. Forslag til planprogram skal leggest ut til offentleg ettersyn og sendast på høyring med minimum seks veker høyringsfrist.

### **Bakgrunn**

Utarbeiding av ein kulturminneplan for Osterøy kommune er opphaveleg forankra i den kommunale planstrategien for 2012 – 2016, og vart stadfesta i planstrategien for 2021 – 2024.

Gjennom prosjektet Kulturminneplanar i kommunane (KIK) var Osterøy med i eit regionalt nettverk for kulturminneplanarbeid. KIK vart koordinert av Hordaland fylkeskommune og var eit nasjonalt satsingsprosjekt initiert av Riksantikvaren. Prosjektfasen gjekk fram til 2017. Med bakgrunn i det nasjonale prosjektet vart Osterøy kommune løyvd 200.000 kroner i tilskot til arbeidet med kulturminneplanen. Ei føresetnad frå Riksantikvaren var at planen vart utforma som ein kommunedelplan etter Plan- og bygningslova.

Oppstart av planarbeid med høyring og offentleg ettersyn av planprogram for Kommunedelplan for kulturminne i Osterøy kommune, 2016-2026, PlanID 12532015007, vart godkjent (saksnr. 095/15) av Formannskapet 25.11.2015. Utarbeiding av kulturminneplan for Osterøy kommune var forankra i den kommunale planstrategien for 2012 – 2016. I samband med planoppstart vart det etablert administrativ og politisk arbeidsgruppe som utarbeidde eit grunnlag for arbeidet med planprogrammet. Begge arbeidsgruppene hadde oppstartsmøter våren 2016. Planavdelinga utarbeidde eit utkast til planprogram som vart sendt ut på høyring. Det kom inn fleire merknader og innspel til utkastet, både frå regionale mynde og frå privatpersonar og lag. Desse merknadane og innspela vil bli teke med i den restarta planarbeidet.

Hausten 2016 slutta prosjektleiar for kulturminneplanen i Osterøy kommune. Ny medarbeidar vart tilsett i januar 2017, men arbeidet med kulturminneplanen vart satt på vent grunna arbeid med KPD for sjø- og strandsonen (vedteken i 2018). Dette førte til at planprogrammet for kulturminneplanen ikkje vart vedteke, og arbeidet med planen var satt på ytterlegare vent. Det skulle gå fleire år før arbeidet med kulturminneplanen starta opp att.

I samband med revisjon av kommuneplanen sin arealdel som starta opp våren 2022, vart arbeidet med kulturminneplanen teke opp att. Ein viktig årsak var å få kartfest kulturminne på arealplankartet. Planstrategien for Osterøy kommune 2021 – 2024 legg óg til grunn at det skal utarbeidast kommunedelplan for kulturminne i perioden. Sidan det er gått såpass lang tid sidan planoppstart vart vedteke og planprogrammet vart utarbeidd og sendt på høyring, har rådmannen rådd til at planarbeidet bør meldast opp på nytt. Dette vil óg omfatte ein revisjon av planprogrammet frå 2016. Planprogrammet du no les byggjer på det gamle, men er oppjustert på overordna føringar og på lokale utfordringar, samt organisering og framdrift.

### **Vurdering**

Planarbeidet skal kartlegge og prioritere lokalt viktige kulturmiljø, inkludert faste og immaterielle kulturminne, som i framtida vil vere grunnlag for opplevingar, kunnskap og verdiskaping. Osterøy kommune har tidlegare ikkje prioritert å utarbeide ein kulturminneplan, eller «*kulturmiljøplan*» som det vil heite i følge den nye stortingsmeldinga om nye mål i kulturpolitikken, Meld.St.16 (2019 – 2020). Dette arbeidet vil difor vere eit viktig og avgjerande verktøy for å løfte kulturminneforvaltninga i kommunen og for å utvikle ein heilskapleg kulturminnepolitikk.

I møte med framtida står kulturmiljø ovanfor ei rekkje utfordringar som til dømes endring i arealbruk, endring av bruk og utfordringar knytt til klima. Arbeidet med kulturmiljøplanen har som mål å utvikle og samordne strategiar for korleis ein ønskjer å møte utfordringane og stø opp under ei berekraftig forvaltning av kulturarven.

Med utgangspunkt i planprogrammet frå 2016 vil kulturmiljøplanen arbeide med følgjande målsetnadar:

1. Etablere grunnlag for føreseieleg og kunnskapsbasert forvaltning av kulturminne gjennom å
  - Auka kunnskapen om kulturminne i kommunen ved å gjennomføre kartlegging, verdsetting og prioritering, samt eventuelt nye registreringar
  - Kartfeste og gjere tilgjengeleg digital informasjon om kulturminne
  
1. Utvikle ein heilskapleg kulturmiljøpolitikk gjennom å
  - Utarbeide ein overordna strategi for kulturminnepolitikken i kommunen
  - Utarbeide strategiar og tiltak for å nyttiggjere kulturarven som ein ressurs og grunnlag for oppleving, kunnskap og verdiskaping

Arbeidet med kommunedelplan for kulturmiljø vil gå føre seg parallelt med revisjon av kommuneplanen sin arealdel - KPA. Av den grunn rår rådmannen til at den politiske arbeidsgruppa for KPA óg vert politisk arbeidsgruppe for kulturmiljøplanen.

### **Konklusjon**

Rådmannen rår til at oppstart av planarbeid med KPD for kulturmiljø vert vedteke og at utkast til planprogram for KDP for kulturmiljø i Osterøy kommune 2024-2033 vert lagt ut på høyring og offentleg ettersyn.